



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quàm extra corpus Juris Canonici vagantur ...

**Fargna, Francesco de
Romæ, M. DCC. XIX.**

Canon VII.

[urn:nbn:de:hbz:466:1-72172](#)

C A N O N VII.

PAULUS IV. *Constit. XIV.* §.2.; & 4. *Bull. Rom.* Tom. I.

Postquam Divina Bonitas: *Et infra:* Quamobrem considerantes, Apostatas hujusmodi infinitis erroribus in eadem Dei Ecclesia causam præstare, & propterea volentes contra Apostasiam ipsam pleniùs providere, & eam, quantum nobis ex alto conceditur, de medio tollere, motu proprio, & ex certa scientia nostra, ac de Apostolicæ Potestatis plenitudine, omnes, & singulos, qui post professionem per eos in ætate legitima constitutos, in aliquo approbato, etiam militari ordine purè, & liberè emissam, vel si antè ætatem legitimam professi fuerint, post illam per eos in ipsa ætate legitima constitutos purè, & liberè ratam, & gratam habitam, temeritate propria, aut quovis prætextu, vel causa, etiamsi se Religioni, & Ordini non adstrictos esse sive Causæ cognitione, & his, quæ à Jure requiruntur servari, omisis, vel non legitimè probatis, declarari obtinuerit, aut Beneficium Ecclesiasticum etiam Curatum, non præcedente legitima dispensatione, possideant, vel alicui Beneficio Ecclesiastico etiam Curato alterius nomine deserviant, extra Claustra suorum Regularium Locorum degunt, aut imposternum degent, omnibus, & singulis Beneficiis Ecclesiasticis cum cura, & sive cura sacerdotalibus, aut sui, vel cuiusvis Ordinis Regularibus, per eos quomodolibet obtentis, & de cætero obtinen., cujuscumque qualitatis fuerint, ac Fructibus, redditibus, & proventibus Ecclesiasticis, eis quomodolibet reservatis, seu assignatis, nec non Bachalariatus, Licentiaturæ, Doctoratus, & Magisterii, ac quibusvis aliis Jure Canonico, vel Civili, aut Theologia, seu Medicina, vel Artibus, aut quavis alia Facultate, gradibus, per eos etiam antequam Religionem ingrederentur, obtentis, seu asseditis, nec non quocumque ministerio Ecclesiastico, Apostolica Au-

Pars VI.

K X

tho-

thoritate, tenore præsentium penitus, & omnino privamus, ac ad illa, & alia quæcumque, & qualiacumque in posterum obtainenda, seu Fructus, Redditus, & Proventus Ecclesiasticos percipiendos, aut gradus assequendos perpetuo inhabilitamus, & ab executione quorumcumque Ecclesiasticorum, etiam sacrorum, & præsertim Presbyteratus Ordinum, nec non omni ministerio Ecclesiastico prædicto perpetuo suspendimus, privatosque, & inhabiles ac suspensos esse; nec non Beneficia ipsa de Jure, & de facto, etiam ad hoc, ut eorum Ordinarii Collatores ea aliis liberè conferre possint, et nisi ea infra tempus à Lateran. Concilio statutum contulerint, Collatio Beneficiorum eorumdem ad immediatum illorum superiorem, & demum ad nos, ac pro tempore existentem Rom. Pontificem devolvatur. Patroni quoque eorumdem Beneficiorum personas idoneas infra tempus à Jure statutum ad ipsa Beneficia præsentare possint, & nisi præsentaverint, eorum libera Collatio ad Ordinarium spectet, & pertineat, vacare, ac Reservationes Fructuum, Reddituum, & Proventuum hujusmodi expirare decernimus: *Et infra.* Et si Patroni alicujus Beneficii Ecclesiastici, sive sint Laici, sive Clerici, aliquem ex eisdem Apostatis ad Beneficium de eorum Jurepatronatus existens tunc vacans præsentaverint, præsentationes hujusmodi sint eo ipso nullæ, irritæ, & inanes, ac viribus careant, & ipsi Patroni Jure præsentandi alios ad eadem Beneficia pro ea vice tantum privati existant.

COMENTARIUM.

EX hoc Canone sequens deducitur conclusio.

Prima ≡ PER APOTASIAM BENEFICIATI VACAT BENEFICIUM, ET PATRONUS INTRA TERMINUM JURIS DEBET PERSONAM IDONEAM AD ILLUD PRÆSENTARE ≡

Secunda ≡ PRÆSENTATIO APOTATÆ AD BENEFICIUM DE JUREPATRONATUS EST NULLA, ET PATRONUS PRO EA VICE PRIVATUR JUREPRÆSENTANDI ≡ Quas conclusiones approbant etiam Lambertin. de jurepat. lib.2. par.1. q.9. art.9. num.3. Vivian. eod. tract. par.2. lib.6. cap.5.

n.73.

n.73. Card. de Luc. de benef. disc.75. n. 17. Gonzal. ad regul.8. Cancell. gloss.15. num.66.
Garz. de benef. par.11. cap.10. n.147. Tamburin. de jure Abbat. tom.3. disp.9. quæst.7. n.3.
Rot. dec.195. n.1. p.4. tom.2. rec.

- 1 Triplicem Apostasie speciem distinguit *Gloss. in cap.1. de Apostatis verb. Apostasia.*
 Alia est Apostasia à Fide Catholica quæ est omnimodus recessus à Fide;
 Alia à præcepto, quæ est inobedientia, seu quando quis Præceptum majoris sui
 spontanea voluntate transgreditur; Alia à Religione, quæ est recessus à Religio-
 ne, & obedientia Prælati proprii cum animo deserendi omnino Institutum, &
 non redeundi amplius ad Religionem, sive habitum retinendo, sive illum abji-
 ciendo. De hac tertia Apostasie specie loquitur hic *Canon*, adeòd Paulus Quartus
 agnoscens Apostasiam à statu Religioso fordere labe sacrilegii, & conculationis primæ
 Fidei Christo datæ, ineundo statum Religiosum, variorum etiam peccatorum colluviem
 secum continere, & peccatum adeò tetrum, & horrendum esse, ut vix hæresi excepta,
 aliud majus sit, quantum fieri potest, monstrum hoc de medio tollere volens ultrà pœ-
 nas excommunicationis, & infamia à jure statutas contrà hujusmodi Apostatas, im-
 posuit etiam illis in hoc *Canone* pœnam privationis beneficiorum jam assecutorum, in-
 jungendo Patronis alias Personas idoneas ad illa infra terminum à jure præfixum præ-
 sentare, ac pœnam inhabilitatis ad alia beneficia assequenda, prohibendo Patronis
 eosdem Apostatas ad illa præsentari sub pœna non solùm nullitatis præsentationis, ve-
 rū etiam privationis Juris præsentandi pro ea vice. Quæ constitutio Pauli IV. licet
 deinde modificata fuerit à Pio IV. in ejus *Constit. incipien. Sedi Apostolice, de qua Bullar.*
Rom. nov. tom.2. in ordin. la 3. tamen quoad has penas suum retinet robur. Roderic.
quæst. regal. tom.1. quæst.3. art.4.

Quoad has conclusiones sequens examinatur Casus.

ARGUMENTUM.

Præsentatus ad beneficium, si ei objicia-
 tur Crimen Apostasie, an sit repellendus ab Institutione, & Patronus de-
 beat privari pro ea vice Juræpresen-
 tandi.

SUMMARIUM.

- 1 Professus egressus è Religione tamquam
 Apostata, est indignus beneficiorum, &
 si præsentetur à Patrono, iste est pri-
 vandus pro ea vice jurepræsentandi.
- 2 Professio emissæ ex suasionibus, & solli-
 citatiōnibus Genitorum, non dicitur emissæ
 per vim, & metum.
- 3 Professio tacita ex quibus inducatur.
- 4 Præsentatus se est in longa, & pacifica
 possessione Clerici secularis colorata ex
 sententia Episcopi super nullitate sue
 Professionis, non est repellendus à beneficio,
 neque Patronus est privandus pro ea vi-
 ce jurepræsentandi.
- 5 Dans de Apostasia ad effectum repellendi
 Præsentatum à consecutione beneficij Pal-
 tronalis, quid teneatur probare.
- 6 Pars VI.

6 Professio quando dicatur nulla? Vide ibi.

7 Tacita professio, ex quibus excludatur?
 Vide ibi.

8 Recessus è Religione habens originem à sen-
 tientia declaratoria nullitatis Professionis
 non dicitur temerarius.

9 Apostata si convertantur, & redeant an
 possint præsentari, & obtineri beneficia
 suarum Religionum?

10 An fugitiivus à Religione sit eo ipso pri-
 vatus beneficio, ita ut Patronus possit ad
 illud aliam Personam præsentare.

CASUS UNICUS.

V Acato Beneficio A de jurepatrona-
 tus, fuit ad illud præsentatus à
 Patrono quidam Clericus constitutus in
 ordine subdiaconali; è contra idem be-
 neficium fuit à quodam Sacerdote impe-
 tratum in Dataria Apostolica, ex capite
 Apostasie, & incapacitatibus ejusdem Præ-
 sentati, seu sub narrativa, quod iste fuisset
 professus in quadam Religione, & ex
 ea egressus, & sic criminis Apostasie esset
 obnoxius. Quæritur in hoc casu, an Li-
 teræ Apostolica sint exequendas, adeòd
 præsentatus sit repellendus ab institutio-

Kk 2 ne,

ne, & Patronus pro ea vice privari debeat jurepræsentandi.

Affirmativè respondendum videtur ,
1 quia cùm præsentatus multis ab hinc annis ingressus fuerit Religionem , & ibi Professionem emiserit , recedendo successivè ab ea , tamquam Apostata est indignus beneficiorum ; & Patronus eum præsentando dignus est , ut pro ea vice privetur Jurepræsentandi ex dispositione hujus Canonis .

Nec ab hujusmodi Apostasiæ criminе
2 ipse excusari posse videtur , si dicatur , quod Professionem emiserit per vim , & metum cadentem in costantem virum ; De hoc enim non constat , dum recognitis depositionibus Testium per dictum Præsentatum allatis , ex eis solum apparet de importunis suasionibus , & sollicitationibus Genitorum , quæ non sunt sufficientes ad incutendum vim , & metum cadentem in constantem virum , uti est necessarium ad effectum inducendi nullitatem Professionis , & obtinendi restitutionem in integrum adversus lapsum quinquennii . Fagnan. in cap. Perlatum de his , quæ vi met. caus. sunt n. 14. & pluries resolutum fuit à S. Congregatione Concilii , præsertim in Venetiarum , seu Brixiæ. Restitutionis in integrum 7. Febr. 1711 Tusculana restitutionis in integrum 19. Augusti 1713. Patavina restitutionis in integrum 12. Januar. 1715. & in Bononien. restitutionis in integrum 18. Maii 1715. & in Bisuntina Restitutionis in integrum 12. Febr. 1718.

Et etiam omissò quod Professio fuerit
3 ab eodem Præsentato emissa per vim , & metum , adhuc videtur negari non posse , quod saltè tacitè illam ratificaverit , quia non appetit eum reclamasse intrà quinquennium . Fagnan. d. cap. Perlatum n. 40. & 47. Fortius diceretur eam tacitè ratificasse , si ordinem subdiaconatus , quem Præsentatus habet , suscipisset in Religione ad Titulum Paupertatis . Lezzan. in summ. verb. Professio Regularis n. 4. Barbos. de jur. Eccles. lib. 1. cap. 42. n. 167. & sentiit Sac. Cong. Concilii in Lucana. Restitutionis in integrum 13. Julii 1715. Aut si exercuisse onera Professis convenientia eadem S. Cong. in S. Miniati restitutions in integrum 13. Maii 1713.

Hoc tamen non obstante censeo in

4 hoc casu Præsentatum non esse ab institutione repellendum , nec Patronum esse privandum pro ea vice jurepræsentandi , & consequenter Literas Apostolicas non esse exequendas . Etenim sapèdictus Præsentatus à Patrono erat in longa , & pacifica possessione Clerici secularis , colorata ex sententia Episcopi super nullitate sua Professionis , unde ipse instituendus venit in Beneficio , ad quod fuit præsentatus , cum egressus è Religione coloratus , & excusabilis suffragatur ad effectum excusandi ab Apostasiæ criminе , aliisque poenis pro illo inflictis . Card. de Luc. de benef. dist. 75. n. 18. , & Patronus , qui prudenter existimavit eum Clericum secularis , non vero Regularem , propriæ auctoritate è Religione egressum , illum præsentando nullam culpam commisit , ratione cujus dignus sit privatione juris præsentandi pro ea vice . Unde Provisus Apostolicus , qui in hoc casu dat de Apostasia , ad effectum repellendi dictum Præsentatum à consecratione beneficij patronalis , tenetur concludenter probare Professionem validam , & temerarium recessum Præsentati è Religione ; ut interimis resolutum fuit à S. Rota dec. 195. n. 6. p. 4. tom. 2. rec.

Tantùm autem abest , quod in præsentiarum probetur à Proviso Apostolico utrumque requisitum , ut potius constet contrarium , nimis Professionali , quam olim emisit idem præsentatus , fuisse nullam ; dum revolutis depositionibus Testium tunc coram proprio Ordinario allatorum , isti non solum deponunt de importunis suasionibus , & sollicitationibus Genitorum , sed etiam testantur eundem Præsentatum fuisse clausum in arce cubiculo , fuisse verberatum usque ad effusionem sanguinis , ac ejus Patrem in ipsum stricto pugione irruisse , ad hunc effectum , ut dictus Præsentatus professionem emitteret ; Quibus depositionibus Testium accessit etiam confessio proprii Patris , qui in ultima senectute , conscientia angoribus stimulatus , attestacionem jure jurando exhibuit super coacta Filii. Professione , cuius consensum extorsisse inquit sub verberibus , carcerazione , aliisque perversitatibus ; Novitatus quoque tempore , minacibus Epistolis eum in Religione continuuisse , ac

bi-

biduo ante Professionem minas mortis replicasse subdit; Et consequenter constat ejus Professionem fuisse nullam, ut potè emissam per vim, & metum cadentem in constantem virum. *Fagnan. in cap. Nullus de Regul. n. 22. & in cap. Perlatum n. 3. & seqq. de his, quæ vi met. caus. fiunt. Pignattell. consult. 173. n. 9. tom. 9., & his circumstantiis attentis declaravit Sac. Cong. Concilii in Agrigentina restitutio- nis in integrum 25. Januar. 1716. Perusina nullitatis Professionis 8. Augusti 1716. Syracusana restitutio- nis in integrum 5. Septembris 1716. & in Mantuana nullitatis Professionis 27. Febr. 1717.*

Testantur etiam de continua reclamationibus, & querelis ejusdem Præsentati tam ante, quam post Professionem, & tam intrà, quam extra quinquennium, de ejus horrore, ac animi aversione erga Religionem, & quod nullum actum Professi convenientem exercuerit, quæ continua querimoniaz clarè demonstrant ipsius coactam voluntatem, & ex eis excluditur tacita Professio, quæ ad sui esentiam requirit consensum Profitentis se astringendi votis: *ad Text. in cap. 2. & cap. cum virum de Regul. Fagnan. in cap. Quanto de translat. Episcop. n. 104. Pignattell. consult. 173. n. 29. & seqq. tom. 9. & consult. 76. n. 5. & 7. tom. 10. Card. de Luc. de Regul. disc. 45. n. 5. Dominus meus Ad- vocat. Ursaya in suis disceptationibus par. 1. discept. 1. n. 10. Rot. dec. 14. n. 12. post Monacell. par. 2. & dec. 579. n. 3. p. 1. rec. & dec. 9. n. 25. & seq. coram Arguell. Cessat etiam alterum requisitum, temerarii vi- 8 delicit recessus, ex sententia Ordinarii declaratoria nullitatis Professionis, ex qua justissimam causam habuit credendi se posse è Religione exire, quæ justa cau- sa cum excusat ab Apostasia juxta Navar. cons. 1. sub n. 4. de Apostasia Rot. d. dec. 195. n. 24. p. 4. tom. 2. rec.*

Quæro hic primo, an Apostata, si con- vertantur, & redeant, possint præsenta- ri, & obtinere beneficia suarum Religio- num?

Affirmativam sententiam tuentur Lam- bertin. de jurepat. lib. 2. par. 1. q. 9. art. 9. n. 6. Vivian. eodem tract. p. 2. lib. 6. cap. 5. n. 75. Negativam verò defendere videtur Gonzal. in cap. consultationi de Apostatis n. 6. docens Apostatas etiam resipiscen-

tes perpetuò inhabiles manere ad bene- ficia, & dignitates Ecclesiasticas, ea ra- tione, quia valde consentaneum est, ut hujusmodi desertores, & si risipuerint à beneficiis, & dignitatibus Ecclesiasticis arceantur, ut egregiè expressit S. Augu- stinus relatus à Gratiano in cap. Legi 16. quæst. 1.

Ego verò de jure communi primam sententiam puto veriorem, si Apostatae conversi humiliter precantur veniam, si dent bonum exemplum tum Poenitentiaz, tum bonorum morum, & regularis obser- vantiaz, quia tam ratio naturalis, quam clementia Ecclesiaz, & Religionis expostu- lat, ut illi benignè recipientur, & ad- mittantur ad beneficia Religionis, nisi aliter disponatur à constitutionibus, & statutis Religionis, ut admittunt etiam *Lezzan. in summ. tom. 1. cap. 16. num. 18. Tamburin. de Jure Abbat. tom. 3. disput. 8. quæst. 9. n. 4.*

Quæro secundo, an Fugitivus à Reli- gione sit eo ipso privatus beneficio, itaut Patronus possit ad illud aliam Personam præsentare?

Respondeo negativè. Licet enim omnis Apostata à Religione sit etiam fugiti- vus, non tamen omnis fugitivus à Reli- gione est Apostata. Siquidem Fugitivus dicitur ille, qui recedit à Monasterio, & obedientia, atque subjectione proprii Prælati non animo tamen deserendi Re- ligionem, & manendi in sæculo, sive ad illud redeundi, sed aliquandiu vagandi quocumque prætextu, sive retento, sive abjecto habitu. Apostata verò dicitur ille, qui recedit à Religione, & obedientia Prælati proprii cum animo deserendi omnino institutum, & non redeundi am- plius ad Religionem, ut optimè conside- rat Gonzal. in cap. Nè religiosi de regul. n. 3. Unde Fugitivus à Religione, cùm non sit Apostata, non comprehenditur sub dis- positione hujus *Canonis* infigentis Apo- statis poenam privationis beneficiorum, & injungentis Patronis præsentare Perso- nas idoneas ad illa sic per Apostasiam va- cantia, ut tradit *Tamburin. de jur. Abbat. tom. 3. disp. 7. q. 1. n. 16. ibi. Hinc est quod pæna latæ in Bulla 14. Pauli IV. quæ incipit Postquam divina bonitas, contra Religio- sos extra Claustra degentes, extenduntur tantum ad Apostatas, non verò Fugitivos.*

CA.